

BOSNA I HERCEGOVINA  
FEDERACIJA BOSNE I HERCEGOVINE  
FEDERALNA DIREKCIJA ROBNIH REZERV

BOSNIA AND HERZEGOVINA  
FEDERATION OF BOSNIA AND HERZEGOVINA  
COMMODITY RESERVES DIRECTORATE OF THE  
FEDERATION OF BOSNIA AND HERZEGOVINA

Broj: 01-45-108-1/22

Sarajevo, 23.02.2022. god

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primjepo:	25-02-2022		
Org. jed.	B r o j	Priloga	Vrijednost
	05/2 - 02 - 55/22		

PREDMET.: Odgovor na zastupničko pitanje- g-đa Alisa Hajdarević, Dom naroda Parl. FBiH

Poštovana zastupnice!

Dostavljamo Vam odgovore na Vaša postavljena pitanja a odnose se na stanje u Federalnoj direkciji robnih rezervi.

- U 2021.god Ured za reviziju institucija u FBiH je uradio kontrolu poslovanja FDRR za 2020.god. I dostavio Izvješće koncem rujna 2021.god. Zakonska obveza FDRR je bila da u roku od 60 dana dostavi u Ured za reviziju odgovore o poduzetim aktivnostima po pitanju primjedbi i preporuka koje je dala revizija. FDRR je 24.11.21.god dostavila Odgovor u kojem je za 21 preporuku dano obrazloženje zbog čega je došlo do određenih dešavanja u operativnom radu FDRR za 2020.god. Sve primjedbe i prijedloge, preporuke revizije koji se mogu otkloniti odmah, urađene su, neke su u tijeku, ali ima nekih za koje se trebaju steći zakonski preuvjeti. FDRR aktivno radi na otklanjanju svega što u zadanim okolnostima može proizvesti manjkavosti u radu.

Prilog : Odgovor u skladu sa člankom 16.stav3) Zakona o reviziji institucija u FBiH

- Poslije 10 godina traženja rješenja za osiguranje vlastitog skladišta, uspjeli smo dobiti Visokom, a sa Službom za zajedničke poslove FBiH smo 20.12.21.god zaključili Ugovor o korištenju istog. Skladište je devastirano i u 2022.god Vlada FBiH je u Proračunu predviđela sredstva od 250.000 KM za sanaciju krovišta. Očekujemo da će se ubrzo usvojiti Proračun za 2022.god kako bi FDRR pristupila sanaciji.
- FDRR broji 19 uposlenih, VSS - 11 djelatnika i SSS- 9 djelatnika.
- U 2021 god nije bilo upošljavanja po Ugovoru o djelu ili po Ugovorima o povremenim privremenim poslovima.
- Prema pregledu od 31.01.22.god vrijednost robnih zaliha u FDRR iznosi cca 30 miliona KM. Količine roba koje bi trebali imati na zalihamama nisu u skladu sa standardima EU za 60-90 dana potrošnje u FBiH godišnje. Jedino imamo zaliha



**BOSNA I HERCEGOVINA  
FEDERACIJA BOSNE I HERCEGOVINE  
FEDERALNA DIREKCIJA ROBNIH REZERVI**

**BOSNIA AND HERZEGOVINA  
FEDERATION OF BOSNIA AND HERZEGOVINA  
COMMODITY RESERVES DIRECTORATE OF THE  
FEDERATION OF BOSNIA AND HERZEGOVINA**

pšenice za 50-tak dana a sve drugo je ispod 10 dana potrošnje u FBiH. Najlošije stanje je sa naftnim derivatima .

FDRR je prema DOB-u za 3 god predviđena u iznosu od 2 mil.KM godišnje za nabave roba. To je malo godišnje izdvajanje iz Proračuna ako želimo u sljedećih 10-tak god. dostići određene standarde. Nisu samo nabave trošak za FDRR nego su to potrebna sredstva za skladištenje i zanavljanje robnih zaliha ,odnosno njihovo očuvanje u optimalnim rokovima valjanosti što godišnje iznosi 1,4 mil.KM. U svemu treba naći dobar omjer da roba " ne bi pojela samu sebe " a da bi funkcija robnih rezervi bila sačuvana.

- Robe za robne zalihe se nabavljaju prema raspisanim natječajima . Nastojimo da sve robe koje se mogu naći kod domaćih proizvođača ili prerađivača budu zastupljene u robnim zalihama . Pošto je BiH ovisna o uvozu roba , jer nema dostatnu domaću proizvodnju za potrebe stanovništva , potrebno je određene robe kao što je pšenica ili brašno , uljarice itd. uvoziti .

Srdačan pozdrav .




BOSNA I HERCEGOVINA  
FEDERACIJA BOSNE I HERCEGOVINE  
FEDERALNA DIREKCIJA ROBNIH REZERVI

Broj: 04-11-9-1066-21 | 20  
Sarajevo, 24.11.2021. godine

BOSNIA AND HERZEGOVINA  
FEDERATION OF BOSNIA AND HERZEGOVINA  
COMMODITY RESERVES DIRECTORATE OF THE  
FEDERATION OF BOSNIA AND HERZEGOVINA

URED ZA REVIZIJU INSTITUCIJA U FBIH  
Ložionička 3  
71 000 Sarajevo



Poštovani,

U prilogu dostavljamo Odgovor u skladu sa članom 16. stav 3) veza Vaš akt broj: 06-11-1-2332-7/20 od 29.09.2021. godine.

S poštovanjem,



BOSNA I HERCEGOVINA  
FEDERACIJA BOSNE I HERCEGOVINE  
FEDERALNA DIREKCIJA ROBNIH REZERV

BOSNIA AND HERZEGOVINA  
FEDERATION OF BOSNIA AND HERZEGOVINA  
COMMODITY RESERVES DIRECTORATE OF THE  
FEDERATION OF BOSNIA AND HERZEGOVINA

Broj: 06-11-9-1066-20/20

Sarajevo, 24.11.2021. godine

URED ZA REVIZIJU INSTITUCIJA U FBiH  
Ložionička 3  
71 000 Sarajevo

**PREDMET:** Odgovor u skladu sa članom 16. stav 3) veza Vaš akt broj: 06-11-1-2332-7/20 od 29.09.2021. godine

Poštovani,

U skladu sa članom 16. stav 3) Zakona o reviziji institucija u FBiH, da u roku od 60 dana odgovorimo po postupljenim preporukama koje je Ured za reviziju FBiH dostavio u Izvještaju o finansijskoj reviziji Federalne direkcije robnih rezervi za 2020. godinu:

**1. Uspostaviti i implementirati sistem internih kontrola prema COSO modelu u skladu sa Zakonom o finansijskom upravljanju i kontroli u javnom sektoru u FBiH u dijelu upravljanja rizicima i praćenja i procjene.**

- Federalna direkcija robnih rezervi je imenovala smo koordinatora za FUK, vlasnike procesa i sačinila Plan realizacije, dok cijelokupni sistem ćemo uspostaviti u periodu 2022/2023. godine kroz sistem Federalnog ministarstva i finansija .

**Prilog:** Rješenje o imenovanju koordinatora, Odluka o imenovanju vlasnika procesa, Zapisnici sa sastanaka

- Pravilnik o kancelarijskom poslovanju, gdje smo dobili zvanični stav Ministarstva pravde FBiH da se navedeni Pravilnik ne mora donositi na nivou institucije nego se ponašamo po Pravilniku o kancelarijskom poslovanju Ministarstva pravde FBiH.

**Prilog:** Zvanični stav Ministarstva pravde FBiH

**2. Izjavu o fiskalnoj odgovornosti sačiniti u skladu sa Pravilnikom o obliku i sadržaju, načinu popunjavanja i predaje izjave o fiskalnoj odgovornosti.**

- Federalna direkcija robnih rezervi će u skladu sa preporukama Ureda za reviziju FBiH (Sačiniti strateški plan, rashode i izdatke evidentirati u glanoj knjizi na osnovu nastanka poslovnog događaja, te izvršiti usklađivanje knjigovodstvenog sa stvarnim stanjem utvrđenim popisom) ispravno sačiniti sa 31.12.2021. godine.

**3. Sačiniti prijedlog srednjoročnog programa federalnih robnih rezervi i dostaviti Vladi na usvajanje u skladu sa Zakonom o federalnim robnim rezervama.**

- Federalna direkcija će u narednom periodu sačiniti prijedlog srednjoročnog programa federalnih rezervi i dostaviti ga Vladi na usvajanje u skladu sa Zakonom o federalnim robnim rezervama.

**4. Trogodišnji i godišnji plan rada i Izvještaj o radu sačinjavati u skladu sa Uredbom o trogodišnjem i godišnjem planiranju rada, monitoringu i izvještavanju u FBiH.**

- Trogodišnji i godišnji plan rada u skladu sa preporukom Ureda za reviziju Federalna direkcija robnih rezervi će sačiniti sa 30.11. u skladu sa Uredbom o trogodišnjem i godišnjem planiranju rada, monitoringu i izvještavanju u FBiH za period 2022-2024. Godišnji plan rada se u skladu sa Uredbom o planiranju rada i izvještavanju Vlade sačinjava do 30.11.2020. godine, kada još uvijek nije bio usvojen Budžet (stav revizije da moramo raditi izmjenu Plana, ali FDRR je jedina institucija koja šalje dva dokumenta tj. Godišnji plan rada i nakon usvojenog Budžeta Godišnji program gdje je sve usaglašeno sa Budžetom, te iz tog razloga smatramo da nije potrebno raditi izmjenu Godišnjeg plana FDRR), (Godišnji plan rada za 2020. godinu u skladu sa DOB-om, Godišnji program u skladu sa Budžetom).

**5. Blagovremeno dostaviti Vladi FBiH PRIJEDLOG Godišnjeg programa rada federalnih robnih rezervi u skladu sa članom 7., 8. i 9. Zakona o federalnim robnim rezervama.**

- Federalna direkcije robnih rezervi radi sukladno Zakonu o robnim rezervama, ali u realizaciji prijedloga Godišnjeg programa dolazi do kašnjenja zbog usaglašavanja teksta godišnjeg programa i mišljenja resornih ministarstava koji imaju svoje predstavnike u Savjetu Federalne direkcije robnih rezervi.

Pošto je Federalna direkcija robnih rezervi od posebnog interesa za FBiH sve prijedloge treba sagledati u kontekstu vremena u kojem se odnose. Npr. Bez obzira što smo u Strateškom planu Federalne direkcije robnih rezervi naveli određene aktivnosti oko rekonstrukcije skladišta u Visokom, to ne možemo staviti u Program rada, jer se nisu stekli uvjeti za to (financijski, proceduralni itd.)

Vlada FBiH bez obzira na prijedloge iz Federalne direkcije robnih rezervi uvijek može promijeniti određene stvari i postaviti prioritete u trošenju proračunskog novca.

**6. Izvještaj o poslovanju federalnim robnim rezervama sačiniti i dostaviti u skladu s članom 36. Zakona o federalnim robnim rezervama i članom 22. i 23. Uredbe o uslovima skladištenja, osiguranja, nabavke, prodaje, zanavljanja, intervencijama na domaćem tržištu i nadzora nad federalnim robnim rezervama.**

- Uz Izvještaj o poslovanju federalnim robnim rezervama za 2021. godinu u skladu sa članom 36. Zakona o federalnim robnim rezervama i članom 22. i 23. Uredbe o uslovima skladištenja, osiguranja, nabavke, prodaje, zanavljanja, intervencijama na domaćem tržištu i nadzora nad federalnim robnim rezervama ćemo dostaviti i Godišnji obračun za 2021. godinu sa 31.12.2021. godine.

**7. Donijeti odluku o radnom vremenu i vremenu dnevnog odmora u trajanju od 30 minuta u skladu sa Odlukom o radnom vremenu u federalnim organima državne službe.**

- U skladu sa preporukama navedenim u revizorskom izvještaju koje se odnose na odluku o radnom vremenu, te evidenciju radnog vremena, Federalna direkcija robnih rezervi će primjenjivati Odluku Vlade o radnom vremenu u federalnim organima državne službe.

**8. Evidenciju radnog vremena voditi u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu.**

- Evidenciju voditi u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu koji će donjeti Federalna direkcija robnih rezervi.

**9. Kontrolu zaključenih ugovora o skladištenju i oznakovanju robnih rezervi vršiti u skladu sa Pravilnikom o kontroli i nadzoru skladištara, roba i usluga.**

- Odjeljenje za robne rezerve za skladištara koji je fakturisao četiri mjeseca po cijenama iz prethodnog ugovora, koje su bile veće od cijena utvršenih novim ugovorom je uvidjelo svoju grešku te smo ispravili istu u toku 2020. godine, te od skladištara dobili Knjižna odobrenja i sravnili obaveze.

**Prilog:** Knjižno odobrenje, faktura broj:PF20-006555 koja je u skladu sa novim Ugovorom broj:01-25-4-90/20 od 25.08.2021. godine umanjena za knjižno odobrenje koje smo dobili od skladištara

**10. Preispitati opravdanost isplate članova komisija u kojima su angažovani zaposlenici za obavljanje poslova iz nadležnosti.**

- Opravdanost isplate članovima komisija – Angažovanje lica u komisije, radne grupe i sl. ne vrši se na osnovu ugovora o radu niti u vezi sa ugovorom o radu, a poslovi za koje se zaposlenici angažuju ne mogu biti u okviru poslova niti zadatka vezanih za naknade iz okvira radnog mesta, odnosno nisu poslovi na osnovu ugovora o radu niti su u vezi sa ugovorom o radu zaključenim sa isplatiocem prihoda (nesamostalni rad). Primanja zapslenika imenovanih u razne komisije nemaju naprijed navedene karakteristike nesamostalne djelatnosti (to nisu primanja na osnovu ugovora o radu i poslova koje to lice obavlja kod isplatioca u okviru radnog mesta na koje je raspoređeno). Zbog malog broja zaposlenika Federalna direkcija robnih rezervi imenuje većinom zaposlenike u komisije, s tim da napominjemo da ni jednom zaposleniku u opisu radnog mesta ne stoji obaveza učestvovanja u komisijama (da budu imenovani članovi komisija), te samim tim zaposlenici su angažovani u komisijama. Ističemo primjer da Odjeljenje za finansije i računovodstvo u okviru obavljanja svog posla vrše plaćanja, knjiženja, evidentiranja, izvještavanja i nikako ne učestvuju u izradama vezanim za nabavke (poslovi koji nisu u okviru radnog mesta), te su isti imenovani u komisije.

**11. Obračun poreza i doprinosa na naknade nastale po osnovu nesamostalne djelatnosti vršiti na način propisan Zakonom o porezu na dohodak i Zakonom o doprinosima.**

- Pitanje vezano za obračun poreza i doprinosa na naknade nastale po osnovu nesamostalne djelatnosti vršiti na način propisan Zakonom o porezu na dohodak i Zakonom o doprinosima koji se odnose na komisije, poslali smo zvanični upit Federalnom ministarstvu finansija i Službi za zajedničke poslove FBiH. (Zvanični upiti) Zaposlenici koji ostvaruju primanja (na osnovu članstva u komisijama imaju karakter primanja iz osnova drugih vrsta samostalne djelatnosti i povremenog nesamostalnog rada (karakter ovih primanja identično je regulisan i usklađen sa odredbama člana 12. stav 4. Zakona o porezu na dohodak).

Zakonom o doprinosima je propisana obaveza obračuna i plaćanja doprinosa, osnovice i stope, a ne Zakonom o porezu na dohodak. Članom 6. tačka 11. Zakona, propisana je osnovica za obračun doprinosa za primanja iz osnova drugih vrsta samostalne djelatnosti i povremenog nesamostalnog rada u koje, između ostalih, se ubrajaju i primanja članova komisije. Članom 10a. Zakona, propisane su stope doprinosa za primanja iz osnova drugih

vrsta samostalne djelatnosti i povremenog nesamostalnog rada (4% za osnovno zdravstveno osiguranje na teret osiguranika i 6% za penzijsko i invalidsko osiguranje na teret isplatioca primanja). Za razliku od primanja iz osnova drugih vrsta samostalne djelatnosti i povremenog nesamostalnog rada, mjesecnu osnovicu za doprinose za zaposlenike na osnovu ugovora o radu, odnosno radnog odnosa poslodavac utvrđuje istovremeno sa obračunom mjesecne plaće svakog zaposlenika, s tim da ta osnovica ne može biti niža od najniže plaće utvrđene u skladu s odredbama propisa o radu. U skladu sa članom 2. stav 2. Pravilnika o načinu obračunavanja i uplate doprinosa ("Službene novine Federacije BiH", br. 64/08, 81/08, 98/15, 6/17, 38/17, 39/18 i 12/21) u iznos mjesecne osnovice na koju se plaćaju puni doprinosi ulaze i sva primanja koje poslodavac u novcu ili naravi isplaćuje ili daje zaposleniku, odnosno koje mu je bio dužan isplatiti na osnovu ugovora o radu, odnosno radnog odnosa, a koji se smatraju primanjem od nesamostalnog rada (plaćom) prema članu 6a. stav 1. Zakona o doprinosima i članu 10. st. 1., 2. i 3. Zakona o porezu na dohodak.

Prilog: Zvanični upit Federalno ministarstvo finansija, Službazajedničke poslove organa i tijela FBiH

**12. Račune za reprezentaciju odobravati samo u slučaju kada su priloženi pismeni izvještaji o svrsi eksterne reprezentacije kako je utvrđeno Uredbom o reprezentaciji i pokolonima u federalnim organima uprave i federalnim upravnim organizacijama i Pravilnikom o reprezentaciji i poklonima Direkcije.**

- U skladu navedenom preporukom Ureda za reviziju FBiH (Račune za reprezentaciju odobravati samo u slučaju kada su priloženi pismeni izvještaji o svrsi eksterne reprezentacije kako je utvršeno Uredbom o reprezentaciji i pokolonima u federalnim organima uprave i federalnim upravnim organizacijama i Pravilnikom o reprezentaciji i poklonima Direkcije) postupat ćemo kako je utvrđeno Uredbom o reprezentaciji i poklonima u federalnim organima uprave i federalnim upravnim organizacijama i Pravilnikom o reprezentaciji i poklonima Direkcije.

**13. U cilju bolje zaštite imovine i smanjenje rizika od gubitka uskladištene robe, poduzeti aktivnosti na stavarjanju uslova i obezbješenju kvalitetnijih sredstava osiguranja robnih rezervi od skladištara i ugovorima obezbjediti kvalitetnije klauzule zaštite istih (garancija, hipoteka ili založnih prava).**

- Federalna direkcija robnih rezervi prilikom zaključivanja Ugovora o skladištenju dobija kao sredstvo garancije dvije mjenice i mjeničnu izjavu ovjerenu kod notara, dodatnu zaštitu za robe plaćamo osiguranje na mjesecnom nivou (Triglav d.d.). Federalna direkcije robnih rezervi nastoji dobiti najpovoljnije cijene skladištenja i one su u odnosu na tržišne u privatnom sektoru minimalne.

Svako dodatno opterećenje skladištara npr. Bankovnom garancijom košta i taj trošak bi išao na teret Federalne direkcije robnih rezervi, jer skladištari ne mogu podnijeti taj izdatak. Ako je bankovna garancija izdata za ukupan period skladištara, a radi se o burzovnim robama, nesavjesni skladištari mogu namjerno otuđiti robu i ostvariti razliku u cijeni u odnosu na iznos garancije. Zbog toga samo u slučaju traženja odgode maksimalno 4 mjeseca da se robe zanove, skladištar treba donijeti bankovnu garanciju za period zanavljanja. Za zanavljanje „staro za novo“ gdje je uvijek naša roba na stanju ovaj model se ne primjenjuje.  
Prilog: Zanavljanje pšenice u Klas d.d. Sarajevo, skladište Tuzla.

**14. Evidentiranje stalnih sredstava i izvora stalnih sredstava vršiti na osnovu relevantne dokumentacije.**

- Postupak zanavljanja robnih rezervi u 2020. godini nije evidentiran na poziciji stalnih sredstava (robne rezerve) i izvori stalnih sredstava, kao i na povezanim kontima (ostala potraživanja i razgarničeni ostali prihodi). Dokaz o evidentiranju zanavljanja robnih rezervi u 2021. godini.

**Prilog:** Dokaz za zanavljanje od strane Odjeljenja za robne rezerve, knjiženja, Garancija za zanavljanje

**15. Rashodovanje stalnih sredstava vršiti u skladu sa Računovodstvenim politikama za federalne budžetske korisnike i Trezor.**

- Federalna direkcija robnih rezervi će sa 31.12.2021. godine ispraviti po preporuci Ureda za reviziju FBiH i vršiti rashodovanje stalnih sredstava u skladu sa Računovodstvenim politikama za federalne budžetske korisnike i Trezor.

**16. Poduzeti aktivnosti prema Vladi FBiH na izmirenju obaveza po osnovu poreza na dodanu vrijednost.**

Vlada Federacije BiH je dana 16.12.2013. godine na temelju informacije od strane Federalne direkcije robnih rezervi na 91. sjednici zadužila federalnog ministra finansija da, u svojstvu člana Upravnog odbora Uprave za neizravno oporezivanje Bosne i Hercegovine, na sjednici Upravnog odbora Uprave za neizravno oporezivanje Bosne i Hercegovine kandidira i zastupa stav po kome bi Federalna direkcija robnih rezervi ostala u sustavu plaćanja poreza na dodanu vrijednost. Zadnji zvanični sastanak sa predstavnicima Uprave imali smo krajem oktobra 2013. godine u Regionalnom centru Sarajevo, gdje nam je rečeno da je Federalna direkcija robnih rezervi do daljnog u sistemu PDV-e i da se ponaša kao PDV-e obveznik. U julu 2014. godine predstavnici UIO BiH i SIPE dolaze u zajedničku informativnu kontrolu u Federalnu direkciju robnih rezervi. Na osnovu kontrole sačinjen je Zapisnik i Rješenje. U oktobru 2016. Godine predstavnici UIO BiH su došli ponovo u kontrolu u Federalnu direkciju robnih rezervi. Kontrolisani period je bio 01.10.2011. do 30.09.2016. godine. Sve naloge za prisilnu naplatu smo slali Federalnom ministarstvu finansija da ih realizuje obzirom i da je kompletan povrat u iznosu od cca. 1.700.000,00 KM UIO uplatila na račun Trezora FBiH i Federalna direkcija robnih rezervi nije mogla raspolagati tim sredstvima. Dana 17.01.2017. godine smo dobili Rješenje Broj:04/1-17-1-UPJR/1-7436-1/16 od strane UIO kojim nam se oduzima identifikacijski broj:200018950000, međutim postupak prestanka registracije još uvijek nije okončan iz razloga što po karticama UIO Federalna direkcija ima neizmirenih obaveza i nisu ispunjeni uvjeti za donošenje Rješenja o prestanku registracije. 27.02.2017. godine Federalna direkcija robnih rezervi je uputila Prijedlog mjera broj: 01-49-2-803-14/16 od 27.02.2017. godine za rješavanje pitanja PDV-a prema Vladi Federacije Bosne i Hercegovine. Vlada Federacije Bosne i Hercegovine je donjela zaključak broj:656/17 od 04.05.2017. godine u kojem zadužuje Federalno ministarstvo finansija da dostavi prijedlog rješenja u vezi sa informacijom o PDV obavezama Federalne direkcije robnih rezervi. Federalna direkcija robnih rezervi u periodu od 2017.-2021. godine salje na plaćanje PDV koji je odobren Budžetom za navedene godine, iako kroz DOB i Finansijske zahtjeve za navedeni period smo tražili veće iznose(za 2020. godinu tražili smo 1.000.000,00 KM), Proračunom nam se odobre manja sredstva za plaćanje PDV-a. Federalna direkcija robnih

rezervi će i dalje plaćati porez na dodanu vrijednost koja budu odobrena Proračunom. Na poziv odjeljenja za prinudnu naplatu Uprave za neizravno oporezivanje BiH, u Sarajevu dana 19.11.2021. godine imali smo sastanak po pitanju dugovanja Federalne direkcije robnih rezervi za porez na dodanu vrijednost. Postoji obaveza ministra Federalnog ministarstva finansija da ovaj problem stavi na dnevni red Upravnog odbora Uprave za neizravno oporezivanje BiH u Banja Luci. Federalna direkcija robnih rezervi ne može nikog natjerati oko realizacije Zaključka Vlade FBiH, ali će se još jedanput obratiti Federalnom ministarstvu finansija i podsjetiti ih na donesene Zaključke Vlade FBiH.

**17. Prije godišnjeg popisa izvrđiti usaglašavanje stanja iskazanih u pomoćnim evidencijama sa stanjem iskazanim u Glavnoj knjizi.**

-Federalna direkcija robnih rezervi će izvršiti usaglašavanje stanja iskazanih u pomoćnim evdencijama sa stanjem u Glavnoj knjizi sa 31.12.2021. godine.

**18. Godišnjim popisom obuhvatiti cijelokupnu imovinu i obaveze, utvrditi iskazana stanja, te izvršiti usklajivanje knjigovodstvenog stanja sa stvarnim stanjem utvrđenim popisom, te donjeti odluke u skladu sa zakonskim i podzakonskim propisima.**

- Što se tiče iskazanih stanja obaveza prema dobavljačima razliku u iznosu od cca 90 KM (po BB iznose 1.024.603,98 KM, a po popisu iznosi 1.024.693,96 KM) Direkcija će ispraviti sa 31.12.2021. godine, dok kod iskazanih stanja obaveza prema radnicima razlika je 0,0 KM (po BB iznose 54.980,67, a po popisu 54.980,67 KM),(BB 31.12.2020.godine i popis 31.12.2020.

-Usklajivanja knjigovodstvenih stanja sa stvarnim stanjem utvrđenim popisom, te donošenje odluka u skladu sa zakonskim i podzakonskim propisima Federalna direkcija robnih rezervi će po preporukama Ureda za reviziju izvršiti sa 31.12.2021. godine.  
Prilog: Brutobilans na dan 31.12.2020. godine, Popis na dan 31.12.2020. godine

**19. Rashode i izdatke priznavati po osnovui nastanka poslovnog događaja (obaveze) i u izještajnom periodu na koji se odnose u skladu sa Zakonom o budžetima u FBiH.**

-Federalna direkcija robnih rezervi će po preporuci Ureda za reviziju priznavati rashode i izdatke u skladu sa članom 76. Zakona o Budžetima FBiH, te se ispravka istog kontinuirani vrši.

**20. Obnavljanja robnih rezervi vršiti po postupcima u skladu sa Zakonom o javnim nabavkama, a ugovore zaključivati sa ponuđačima koji dostave dokumentaciju u skladu sa traženom tenderskom dokumentacijom.**

- Pošto je teritorijalni razmještaj robnih rezervi državna tajna, Federalna direkcija robnih rezervi nije u obvezi uskladištiti robe da negdje stoje, budu zaštićene, jer nema vlastitih skladišta, nego se te robe moraju održavati u optimalnim rokovima valjanosti. To najbolje mogu raditi proizvođači tih roba ili veliki tgovački lanci koji posluju sa tim robama. Odabrati skladištara kao državnu tajnu, a kasnije svima u postupku javne nabave reći gdje se ta roba nalazi je suprotno članku 7. Zakona o robnim rezervama. Ovakav pristup bi povećao cijenu skladištenja i zanavljanja roba. Federalna direkcija robnih rezervi je poslala upit Agenciji za javne nabavke vezano za ovu problematiku i odgovor je da se u ovakvim slučajevima koji su specifični može primjeniti Anex II dio B.

Prilog: Zvanični odgovor Agencije za javne nabavke

- Što se tiče da su se pojedini skladištari nisu ispunili uvjete tražene tenderskom dokumentacijom- Uvjerenje o izmirenim obavezama po osnovu javnih prihoda 78.842 KM i 1.532.917 KM, za iste smo u sklopu tendera dobili zvanične potvrde Porezne uprave FBiH gdje stoji da navedeni skladištari su ispunili obaveze po osnovu javnih prihoda za mjesec Porezne uprave nije uvezao navedene. Za iste smo naknadno tražili od skladištara dokaze o uvezivanju te su nam iste dostavili.

Prilog: Rekapitulacija Porezne uprave, Uvjerenje Porezne uprave

- Nabavka i isporuka merkantilne pšenice, u skladu sa preporukama dostavljamo dokumente o isporuci pšenice u skladu sa Ugovorom o nabavci od 24.11.2021. godine.

Prilog: Obavještenje da je skladištar ispunio obvezu isporuke, Specifikacije otpremnica

-Federalna direkcija robnih rezervi se odlučila na prihvatanje više ponude isporučitelja pšenice od ranije procjenjene vrijednosti zbog naglog skoka cijena na domaćem i svjetskom tržištu, a i zbog potrebe i neizvjesnosti trajanja pandemije korona virusa krajem 2020. godine.

Direktor Federalne direkcije robnih rezervi je dobio 13.10.2020. godine informiranje iz Odjeljenja za robne rezerve koje ima obvezu praćenja cijena i analize kretanja na tržištu osnovnim životnim namirnicama da je tendencija rasta cijena pšenice evidentirana i da se neće zaustaviti najmanje do žetve 2021. godine. Temeljem toga donesena je odluka da se uđe u nabavu pšenice i da se ne poništi postupak javnih nabava.

Prilog: Istraživanje tržišta pšenice

**21. Plan javnih nabavki donijeti u skladu sa članom 17. stav 2. Zakona o javnim nabavkama i sa svim propisanim podacima.**

-Federalna direkcija robnih rezervi intezivno radi na donošenju izmjena i dopuna postojećeg Zakona o robnim rezervama FBiH. Do kraja 2021. godine Vlada FBiH će razmatrati ponuđeni Prijedlog u kojem je temeljna izmjena usaglašavanje Zakona o federalnim robnim rezervama i Zakona o zaštiti tajnih podataka BiH.

Do donošenja ovih izmjena i dopuna Federalna direkcija robnih rezervi će ubuduće raditi sukladno postojećem Zakonu o robnim rezervama gdje su Programi Federalne direkcije državna tajna i primjenjivati član 10. stav 2 postojećeg Zakona o javnim nabavama BiH.

S poštovanjem,

  
DIREKTOR  
Tončo Bačić

